

U jednom kriznom trenutku, u organizaciji stručnog rada, u Rukometnom klubu „Borac“ Banja Luka, čiji sam u to vrijeme bio aktivni član, nastojao sam da Branko Janković dođe u klub i da organizuje stručni rad.

Uslov autora ovog priručnika bio je da se za stručni rad izradi strateški i operativni plan. Bio je prihvaćen i podržan od svih u klubu. Klub je bio bez pionira, kadeta, s vrlo malim brojem juniora, od 12 igrača u seniorskoj ekipi samo su dvojica bili iz Banje Luke. Radeći po ponuđenom planu i programu, RK „Borac“ je za četiri godine bio prvak u svim kategorijama u BiH, omladinski prvak Jugoslavije, seniorski prvak i pobjednik Kupa Evrope u Moskvi 1991. godine.

Ovaj priručnik koji čitate je dio toga plana. Autor je ocijenio da se rukomet ne izvodi u školama, nudi razrađene časove rukometa u škola, što je veliki doprinos za omasovljenje rukometa.

Radio sam dugi niz godina u Stručnom savjetu BiH i Jugoslavije, u vrijeme kada je Branko Janković bio predsjednik Savjeta.

On je prvi u bivšoj Jugoslaviji koji je izradio modele planova i programa rada sa reprezentacijama. Trenutno je član Stručnog savjeta BiH i ponovo je ponudio plan i program rada sa reprezentacijom BiH.

Materijali koji se nude jesu ogromne stručne vrijednosti i značajno će uticati na razvoj rukometa, ako ih prihvate treneri i nastavnici u školama.

*Abas Arslanagić, prof.
osvajatelj zlatne olimpijske medalje*